

तिमोथीला पावलकी टिवु यिकी थल्मा दी थेपकी कोर्ला

तिमोथी ति एशिया लुड्बाकी नाज्युड ख्रीष्टियान यिन। तीकी आमा ति यहदी नोक, पपा ति ग्रीक यिनोक। ती ति पावलकी लेन ल्यामु ख्याप्टाक कितुप पेला पावलकी मुला राड युकुप ताड दाल्जा किटे कितुप मी यिनोक। दी यिकी थल्मा ति पावलकी ती खक्छयेवु ताम्डेकी कोर्ला इयाम क्यानी टिवु यिन।

पावलकी दी यिकी ति तेरी सिनाड गोमाला चर्चला वोतुप येन्देन मेटेड्बुकी तेन्दोकला टिवु यिन। तुका येन्देन मेटेड्बु ति यहदी मी ताड यहदी मिन्दुप मिरिक यम्बाकी नासाम नेसुर वावु तेपा मेटेड्बु वोतुप येन्देन यिन। ती येन्देनला दी जम्बुलिड ति दिक्पी क्येड वे। चो पेला मीतिवी खक्छयेवु छयाकला वोतुप रिक्पा हाक्माकोवे, साप समातिवा मुक्युर्वे, जेन्दी मिक्किवे, ती पेला सेक तीला थर्वा मेड्येवी सिनी तिवी सिक्क्या वे। तुक क्यानी पावलकी चर्चकी गोमा कितुपतिवी चुक क्यानी गोमा कि गोकिवी, चुका शब्ज्यी कि गोकिवी, तमा गोमा कितुपतिवा ताड तिवाला दाल्जा किटे कितुपतिवा चुका परकी ति वुड गोकिवी सिनी तेरी टोड्गुतिवा दी यिकीला टिनी वे। तेरी सिनाड तिड्ला पावलकी तिमोथीला तेपा कितुपतिवी चर्चकी थोक्ला कि गोवु लाकाकी कोर्ला ताड चुक क्यानी येशू ख्रीष्टकी थोक्ला शब्ज्यी कितुप मी ल्यामु च्युड गोकिवी सिनी टोड्गु बिन वे।

मुला राड वोतुप लोप्च्येनतिवा

यिकीकी कोर्ला १:१-२

चर्चकी कोर्ला ताड बुल्वाकी कोर्ला टोड्गुतिवा १:३-३:१६

तिमोथीला तीकी लाकाकी कोर्ला टोड्गुतिवा ४:१-६:२१

पावलकी टसी देलेक

1 टसी देलेक! दी यिकी ति दाक्पुला थर्वा नड्गुप चोवो कोन्छ्योक ताड दाक्पी रेवा क्यावु येशू ख्रीष्टकी क नेसुर खोकी लोमा छये च्युड्गुपला पेतुप ड पावलकी

2 चुतुड के तेपा कितुप आड तिमोथीला टिवु यिनो। पपा कोन्छ्योक ताड दाक्पी चोवो येशू ख्रीष्ट नेमा ख्युडला कटिन ताड च्यम्बा ताड लोदिमु वुड्शी।

येन्देन मेटेड्बु नेसुर च्याड्से देतुप कोर्ला

3 इ माकेडोनिया डोप पेला ख्युडला डे एफिससला राड दे सिक्यावु तेन्दोक ति तेकी येन्देन मेटेड्बु लोपुप मीतिवाला तुक माकी सिनी क तेस्पला यिन।

4 तमा तिवाला यहूदी गिपाकी पगावा हड्गावाकी काड काड क्यासुड, तिवा सु सु यिन सिस्प कोर्ला साड ड्याम अला माकी सिनी क तेस्पला यिन। च्यिलासिसिन तुक क्यावु ति कोन्छ्योककी खोरे नोवाला क्यावु लाकाकी थोक्ला ताम्डे कितुप सिनाड केवुल तिराड क्यावु यिन।

5 दाक्पी तिवाला क बिन्दुप तेन्दोक ति तिवा सेम टेड्बु ताड नासाम ल्यामु वोतुप ताड तेपा टेड्बु क्यानी ड्रियड्ज्ये कि ज्यितुपला यिन।

6 यिने ललाइ मीतिवा तुका ताम्डेला क्युर ज्याक्नी ताम्डे मेशोलोकला येनी देन वे।

7 तिवा खोप्राडला ति मोशाकी ठिमकी गेकेन सिस्प नोकिवी, यिने तिवी खोपे क्यावु ताम्डे ताड तेन्देन क्यानी लापुप ताम्डे ति खोप्राडला राड ल्यामु हाक्मोकोवी।

8 ल्यामु क्यानी ती ठिमला सिक्यावु दोके मिजी क्याड्सुड सिंसिन ती ठिम ति ल्यामु वे सिस्प ति दाक्पुला छ्या वे।

9 ती ठिम ति मी टेड्बुकी थोक्ला मिन, यिने ठिमला मुयुकुपतिवा ताड सिक्यावु ताम्डेला मेड्येन्दुपतिवा ताड कोन्छ्योकला मेतेन्दुपतिवा ताड दिक्छेनतिवा ताड मेटेड्बुतिवा ताड कोन्छ्योकला मारे तोड्गुपतिवा ताड पपाआमा ताड मी यम्बाला सेतुप मीतिवी थोक्ला ताड

10 शम्डेन कितुपतिवा ताड ख्योक्पेजा ख्योक्पेजी मुला डोजु मेतुप लाका कितुप ताड मीतिवाला लुनी चोड्गुपतिवा ताड जिनोक जोपतिवा ताड जिनोक जोनी न क्योलुपतिवा ताड येन्देन टेड्बुकी तेन्दोकला लड्गुपतिवी थोक्ला यिन।

11 दाक्पी येन्देन ति मोलाम नड्गुप कोन्छ्योक टेड्बुकी मोवा वोतुप लेन ल्यामु ताड मुला डिकिवी। ती ति खोकी डला चेक तेन नड्नी वे।

कोन्छ्योककी च्यम्बाकी थोक्ला थुचिछे पुलुप

12 डला डार नङ्गुप दाक्पी चोवो ख्रीष्ट येशूला थुचिछे बुलिन, च्यिलासिसिन खोकी खोऱडला शब्ज्यी कितुपकी थोक्ला डला खोड्तेर्मु वोतुप सिनी चिसुड।

13 गोमाला याड डे खोला मारे तङ्नी तेपा कितुपतिवाला दुक्पा बिन्नी ड्यपच्ये क्यायिन। ती ति डे खोला तेपा माक्यावु पेला हाक्माकोनी क्यावु तप्की तन्दा खोकी डला च्यम्बा नाड्सुड।

14 चोवोकी डला नङ्गुप कटिन ति छासेकी ग्येर्पु वे। तोजो तिराड मिन, खोकी डला ख्रीष्ट येशूला वोतुप तेपा ताड ड्यिङ्ज्ये बडी क्या नाड्सुड।

15 दी सुड ति मी तेरीकी यिन्जियक मिन्जियक सेमला लिड गोकिवी। च्यिलासिसिन दी सुड ति दिक्छेनतिवाला दिक्पा ने थर ज्यितुपला येशू ख्रीष्ट दी जम्बुलिडला फेपुपकी कोर्ला यिन। ती दिक्छेनतिवी नाड्ला तेरी सिनाड दिक्छेन ति ड राड यिन।

16 यिन्सिनाड कोन्छ्योककी डला च्यम्बा नाड्सुड। च्यिलासिसिन ड दिक्छेन यिन्सिनाड डे मिजी नेसुर येशू ख्रीष्टकी छासेकी हम क्या देतुप ओड छ्या तेन्नी खोला तेपा क्यानी नाम्साड मिशिवु मिजी थोपुपकी थोक्ला ड ति पड्बु च्युङ्गुप यिन।

17 तमा थल्मा नेज्यु नरीकी नरी सेक ज्यु वोतुप दाक्पी मिककी मोथोङ्गुप ग्येल्बु ताड च्यिक राड वोतुप कोन्छ्योकला ताड्देन ताड मोवा ति नरीकी नरी वुडशी। आमिन।

तिमोथीकी कि राड गोवु लाका

18 डे ड्यिङ्ज्येवु आड तिमोथी, गोमाला के कोन्छ्योककी लुड्तेम्बातिवी ख्योरो थोक्ला नम्टर शेतुप ताम्डे दोके ड येलुड क तेरिन। मक्मीतिवी डाडेड क्यानी थमु ग्यकुप दोके क्यानी चोवो कोन्छ्योककी थोक्ला लाका ल्यामु की।

19 तमा येशू ख्रीष्टला तेपा कितुप ताड सेम टेङ्बु क्यानी दे। ललाइ ललाइकी सेम टेङ्बु माक्यानी खोरो क्यावु तेपा साड ना गाल्सुड।

20 तिवी पर्ला हुमेनियस ताड अलेक्जेन्डर साड यिन। तिवी कोन्छ्योकला मारे तोङ्गुप मेङ्नोक सिस्म ति हाक्कोशी सिनी डे तिवाला शैतानकी लकला ख्येल च्यितुप यिन।

2

कोन्छ्योकला सोवा देकुप कोर्ला येन्देन

1 तेरी सिनाड गोमाला ड ख्युसुडला ठाकुरे सिरिन। तेपा कितुप तेरी मीतिवी थोक्ला ख्योरो कोन्छ्योकला गोड्बा शुनी मोपोर कितुप ताड खोला थुचिछे पुल।

2 तमा ग्येल्बुतिवा ताड ग्येल्वी ओडला लाका कितुप मी छ्येतिवा तेरीकी थोक्ला साड मोपोर की। तुक क्यासिन दाक्पु लोदिमु क्यानी कोन्छ्योकला सोवा देकुप ताड ल्यामु वोतुप मिजी क्योड थुप्पी।

3 दी ति दाक्पुला दिक्पा ने थर ज्यितुप कोन्छ्योककी थोड्दाडला ल्यामु ताड खोला सोवा देक छ्योवु डिवी।

4 मीतिवा तेरी दिक्पा ने थनीं टेड्बु वोतुप कोन्छ्योककी रिक्पा ड्येशी सिस्स ति कोन्छ्योककी नोवा यिन।

5 कोन्छ्योक ति च्यिक राड ज्यु वे। तमा कोन्छ्योक ताड मीतिवी पर्ला डिक्नी तम्जी ल्यामु जोप मिरा च्यिक वे। ती मी ति ख्रीष्ट येशु यिन।

6 खोकी तेरी मीतिवाला दिक्पा ने थर ज्यितुपला खोरे मिजी साड मी थोक्ला जिन्बा च्युड्सुड। तीकी कोर्ला पड्बु छ्या देन्दुप टेके तुजे ति तन्दा राड यिन।

7 तीकी थोक्ला ड खोकी सुड ख्याप्टाक कितुपला लोमा छ्ये च्युड्गुप यिन। तुक क्यानी ड यहदी मिन्दुप मिरिक यम्बाकी मीतिवाला तेपा कि ज्यितुपला ताड टेड्बुकी कोर्ला लोपुप गेकेन साड च्युड्गुप यिन। दी तामडे ती टेड्बु सिरिन, जिनोक मिन।

8 ती तप्की तेरी जोम्नी सोवा देकुप पेला ख्योक्पेजातिवी सेमला डियर्मु मिकिवु ताड खाँदा माक्यानी क्येन मेतुप लाक्पा लाङ्नी मोपोर किशी सिस्स ति डे नोवा वे।

9 तुक राड क्यानी पुम्पेजातिवी साड छ्येजु कितुप मिन, कुसु ज्यम्बु क्यानी दाक दाक्पुला पोमु वुड्गुप मज्यातिवा कोन्शी। रूह ल्हामा ल्हानी मज्या ल्यामु कोन्नी छ्यानी सेर ताड मोती ताड गोड नावु मज्यातिवा कोन्नी मिन,

10 यिने किताड नालु ल्यामु वुड गोकिवी। तुक कितुप ति कोन्छ्योकला मोवा कितुप पुम्पेजातिवाला पोमु गिवी।

11 पुम्पेजातिवा खरक्पा सोक सोके देतुप ताड ओड वोतुप मीतिवी खला ड्येन्दुपला लोप्पी।

12 पुम्पेजातिवी ख्योक्पेजाला लोपुप ताड ख्योक्पेजाला ओड्ज्येन कि सिनी ड मिसिर, यिने तिवा खरक्पा सोक सोके देशी।

13 च्यिलासिसिन थल्माला कोन्छ्योककी आदमला जो नड्गुप यिन, ती ज्युक्ला पुम्पेजा हव्वाला जो नड्गुप यिन।

14 आदम ति शैतानकी जिनोकला ख्येलुप मिन, पुम्पेजा ति शैतानकी जिनोकला ख्येलनी दिक्पाला शोस्प यिन।

15 यिने पुम्पेजातिवी येशूला तेपा कितुप ताड डियड्ज्ये कितुप ताड टेड्बुकी मिजी क्याड्सुड सिसिन आडा क्येप पेला कोन्छयोककी तिवाला र्होकिवी।

3

चर्चला गोमा कितुप मीतिवाला पावलकी टोङ्गु

1 दी तामडे ति लो तेन गोवु यिन। चुका मी तीकी चर्चला गोमा कितुप नो किवे, तीकी ल्यामु राड कितुप नो क्यावु यिन।

2 यिने तुका चर्चला गोमा कितुप मीतिवा ति क्येन मेतुप ताड पेमीं च्यिक राड वोतुप ताड काड किसिनाड छे क्यानी कितुप ताड सेम थिला ज्योकुप ताड मीतिवी ताड्देन क्यावु ताड डेन्बुला ताड्देन कितुप ताड येन्देन लोप थुपुप वुड गोकिवी।

3 तमा छ्याङ्गोले मिकिवु ताड टिम्बु डियर्मु मिकिवु, यिने कुसु ज्यम्बु वोतुप ताड थमु मग्यकुप ताड नोरला देर्पा मिकिवु ताड

4 खोरो खाड्बा शिड ल्यामु कि थुपुप ताड पेजातिवी खुरूडला ताड्देन क्यानी खला ड्येमु जोवु वुड गोकिवी।

5 दोजो तीकी खोरो खाड्बीतिवाला साड डेकला ज्योक माथुप्सुड सिसिन चर्चला चुक क्यानी डेकला ज्योक थुप्किवी रो?

6 तमा चर्चला गोमा कितुप मी ति मलोक तेपा क्यावु मी साड वुङ्गुप मेवी। मिसियाड तीकी खुरूडला ड राड यिन सिवी, तमा कोन्छयोककी शैतानला ना तङ्गुप दोके क्यानी तीला पच्योला ख्येलिगीवी।

7 तुका मी ति येशूला तेपा माक्यावु मीतिवी थोड्दाडला साड ल्यामु वुड गोकिवी। तुक क्यासिन मीतिवा तीकी तेन्दोकला मलाङ्गिगीवी, तमा शैतानकी ओडला साड मेख्येल्वी।

चर्चला ल्हाटे कितुप मीतिवाला पावलकी टोङ्गु

8 तुक राड क्यानी चर्चला ल्हाटे कितुप मीतिवा साड नासाम ल्यामु तोङ्गुप वुड गोकिवी। तन्दा राड च्यिक तन्दा राड च्यिक सिस्प ताड छ्याङ्गोले कितुप ताड नोरला देर्पा कितुप मिन,

9 यिने तिवा खोरो क्यावु तेपाला टेड्बु वोतुप ल्यामो हाक्कोनी नरी सेम टेड्बु क्यानी ज्योकुप वुड गोकिवी।

10 तुका मी ति गोमाला ल्यामु वोतुप मेतुप ल्हो, तमा क्येन मेतुप पड्बु वोसिन तिराड चर्चला लहाटे कितुप लाका किशी।

11 तुक राड क्यानी तिवी पेमींतिवा साड किताड नालु ल्यामु वोतुप ताड मीला मारे मोतोङ्गुप ताड डेकला देतुप ताड तेरी ताम्डेला खोड्तेर्मु वुड गोकिवी।

12 चर्चला लहाटे कितुप मी ति पेमीं च्यिक राड वोतुप वुड गोकिवी। खोरो पुज्युडपुमतिवा ताड खाड्बा शिड ल्यामु क्यानी च्योम च्योम कि थुपुप वुड गोकिवी।

13 सी चर्चला ल्यामु लहाटे किवे, तिवाला मीतिवी साड ताड्देन किवी। तमा तिवी येशू ख्रीष्टला तेपा रम्बु क्यानी मीतिवाला साड डाडेड क्यानी लोप थुप्किवी।

येशूला तेपा क्यावु तेन्दोक ति छासे छये वे

14 ड ख्योरो ते डमु राड वुङ्गुप नो वे। यिन्सिनाड दी यिकी ति डे ख्युडला टिवु यिनो।

15 ड वुङ्गुप फिम गल्सिनाड दी यिकी रानी दाक्पु कोन्छ्योककी मिछाडला चुक क्यानी मिजी क्योड गोकिवी सिम्प ति हाक्कोवा किसा। ती कोन्छ्योककी मिछाड ति डोसु वोतुप कोन्छ्योककी चर्च यिनो। ती चर्च ति सुड टेड्बुकी डम्ज्यी रम्बु ताड कज्यु यिन।

16 वुतुड के छयाकला वोतुप दाक्पी क्यावु तेपाकी तेन्दोक ति छासे छये वे।

“येशू ख्रीष्ट ति मी जुजमला दी जम्बुलिडला फेप्सुड।

तमा कोन्छ्योककी थु चाड्माकी खोला टेड्बु वोतुप सिनी चिसुड।

खो देवाच्येनकी लेन क्योलुप थुतिवी पर्ला थोड्सुड।

तमा खोकी कोर्ला लुड्बा लुड्बाला ख्याप्टाक क्यासुड।

जम्बुलिडकी मीतिवी खोला तेपा क्यासुड।

येलुड कोन्छ्योककी खोला ताड्देन ताड क्यानी देवाच्येन ने तेक्नी फेप्सुड।”

4

येन्देन मेटेड्बुकी कोर्ला

1 कोन्छ्योककी थु चाड्माकी टेड्बु सुड्गिगी। तिड्मी तजेला जिनोक जोप रूहेन्डी ताड डेकी ताम्डेला ड्येन्नी मी ललाइकी तेपा कितुप क्युनीं ज्योकिवी।

2 ती तेरी येन्देनतिवा ति मी खोनक्पुतिवा नेसुर गिवी। तिवी सेम ति शैतानकी ति यिन सिनी च्या छेन्दी थ्वोनी डाम ग्यपुप दोके यिन।

3 तिवी जेन्दी कितुप मेवी, ललाइ समा साड साप मेवी सिनी ग्येकिवी। यिने ती समातिवा ति तेपा कितुपतिवा ताड टेड्बु काड यिन सिनी डो शेवुतिवी थुचिछे पुलनी सापला कोन्छयोककी ज्ये नङ्गुप यिन।

4 कोन्छयोककी ज्येवु तेरी च्यालकतिवा ल्यामु वे। तुक क्यानी थुचिछे पुलनी सोसिन साप मेवी सिनी सि मोगोवी।

5 च्यिलासिसिन तिवा ति कोन्छयोककी सुड ताड खोला मोपोर क्यासिमा चाड्मा वुड्गिगी।

येशू ख्रीष्टला शब्ज्यी ल्यामु बुलुप कोर्ला

6 ती येन्देन ति ख्योरो अच्युनपतिवाला साड लाप्सुड सिसिन ख्योरो तेपा क्यावु सुड ताड येन्देन टेड्बुला सिक्यावु दोके मड रम्बु च्युड्नी ख्युड् येशू ख्रीष्टकी थोक्ला लाका ल्यामु कितुप डिवी।

7 कोन्छयोकला मोवा मेतुप ताड तेन्दोक मेतुप पतिवा नेसुर ख्युड् कुतुक दे। तमा खोला मोवा कितुपला तालिम की।

8 च्यिलासिसिन जुकी थोक्ला तालिम क्यावु ति चेयी तिराड फेन थोकिवी। यिने कोन्छयोककी थोक्ला तालिम क्यावु ति तेरी ताम्डेला फेन थोकिवी, तमा ज्युक्थमाला कोन्छयोककी थाक्छयेन नङ्गुप नाम्साड मिशिवु मिजी थोप्किवी।

9 दी ताम्डे ति टेड्बु वोतुप ताड तेरीकी सेमला लिड गोवु वे।

10 तीकी थोक्ला राड दाक्पु हुर्ताक ताड टेमु कियी वे, च्यिलासिसिन दाक्पी रेवा ति डोसु वोतुप कोन्छयोकला वे। खो ति मी तेरीकी कोन्छयोक यिन, खोकी खक्छयेवुला तेपा कितुप मीतिवाला दिक्पा ने थर ज्यिकिवी।

11 तीकी कोर्ला मीतिवाला क बिन, तमा तिवाला लोप।

12 ख्युड् नाज्युड वे सिनी सी साड ख्युड्दला मो मेबेष्पी, यिने मीतिवी थोड्दाडला ताम्डे लप्ताड ताड किताड नालु ताड ड्यिड्ज्ये ताड तेपा ताड टेड्बु वोतुप पड्बु छ्या तेन।

13 तमा ड वुड्दा सेक ख्योरो मीतिवाला कोन्छयोककी सुड रानी तेस्प ताड ख्याप्ताक कितुप ताड येन्देन तेस्पला ड्याम की।

14 ख्युरूड-ला थोपुप कटिनकी ड्येम्बाला खोड्याम की। ती कटिनकी ड्येम्बा ति चर्चकी गोमा कितुपतिवी ख्योरो गोला लाक्पा ज्याक्नी मोपोर कितुप पेला नम्दर शेनी ख्युरूड-ला थोपुप यिन।

15 ख्योरो कि गोवु लाकातिवा तेरी किसान, तमा ती लाकाला राड नरी ज्युनी देता। तुक क्यासिन ख्योरो मिजी ताड ख्युरूड मड ल्यामु गलुप ति तेरी मीतिवी थोङ्गिगीवी।

16 ख्योरो थोक्ला ताड ख्योरो लोपुप येन्देनकी थोक्ला च्याड्से क्यानी देता। ख्योरो नरी तुक क्यासिन ख्युरूड ताड ख्योरो ख्याप्टाक क्यावु सुड ड्येन्दुप मीतिवा साड र्होकितो।

5

चर्चला वोतुप युक्सिमतिवी कोर्ला

1 ख्युरूड सिनाड मी गावाला वोरु मादेन, यिने पपाला दोके टोडुगु बिन। ख्युरूड सिनाड छ्युडातिवाला ति रडगी नुपतिवाला दोके क्यानी खाखो की।

2 मी गामातिवाला रडगी आमाला दोके ताड पुम्पेजा नाज्युड-तिवाला सेम टेड्बु क्यानी रडगी नुम दोके नासाम तोड।

3 वुतुड के युक्सिम फोकुपतिवाला लहाटे की।

4 यिने ललाइ युक्सिमकी ति खोरो पुज्युडपुम याडना नातीनातिनीतिवा वोसिन, तिवा राड तीला दाल्जा किशी। च्यिलासिसिन तिवा खोपे खाड्बा राड टेड्बुकी लाका कितुप ताड खोपे पपाआमी ठिलेन च्योलुप लोप्शी। ती ति कोन्छयोक्की थोड्दाडला ल्यामु यिन।

5 यिने खोरो ति सु साड मेतुप युक्सिमतिवी वुतुड के कोन्छयोक्ला तिराड रेवा क्यावु गिगी। तमा ड्यी ताड नुज्या खोला राड गोड्बा शू शुवा देकिगी।

6 दोजो ललाइ युक्सिमतिवा गा ताड किर्मुला तिराड येनी देकिगी सिसिन तिवा सेन्बुला राड शेष दोके यिन।

7 तुक क्यानी तिवा क्येन मेतुप च्युड्नी देशी सिनी तिवाला दी येन्देन बिन।

8 ललाइ ललाइकी याड खोरो छेड्गाछालीतिवा ताड खक्छ्येवुला खोरो मिछाडला साड लहाटे मिकिगी। त्कातिवी तेपा कितुप साड क्युनी ज्यकुप गिगी, तमा तिवा तेपा मिकिवुतिवा सिनाड मड दुक्टा डिगी।

9 लो खल टुक सिनाड ल्हक्पा लेपुप युक्सिमतिवाला तिराड युक्सिम यिन सिनी युक्सिमतिवी मिड ति थो ग्यप। ती ति ख्योवा च्यिककी मुला तिराड जेन्दी क्यावु वुड गोकिवी।

10 तीकी पुज्युडपुमतिवा ल्यामु क्यानी रूहोलुप ताड खोरो खाड्बा वुड्गुप डेन्बुतिवाला ताड्देन क्यावु ताड कोन्छयोक्ला तेपा कितुपतिवाला शब्ज्यी क्यावु ताड दुक्पाला ख्येलुपतिवाला दाल्जा किटे कितुप ताड लाका काड साड ल्यामु क्यानी मी यम्बाला खोरो किताड नालु ल्यामु वोतुप ति छया तेन्दुप वुड गोकिवी।

11 यिने नाज्युड वोतुप पेला राड युक्सिम फोकुप पुम्पेजातिवाला ति युक्सिम यिन सिनी मिड थो माग्यक। च्यिलासिसिन तिवा जेन्दी कितुप नासाम शनीं ख्रीष्टकी थोक्ला शब्ज्यी कितुप क्युर ज्याक्नी जेन्दी कि थुप्किवी।

12 तमा तिवी गोमाला येशू ख्रीष्टला तिराड शब्ज्यी कितुपला थाक्छयेतुप ति क्युर ज्याक्नी क्येन फोकिवी।

13 तोजो तिराड मिन, तिवा खाड्बा खाड्बाला युक्प ताड छेरा कितुप ताड ताम्डे क्योलुप ताड मी लाकाला लाक्पा जिम्बुप ताड लप मोगोवु ताम्डेतिवा लपुप डिवी।

14 ती तप्की नाज्युड वोतुप पेला राड युक्सिम फोकुप पुम्पेजातिवा जेन्दी क्यानी पेजातिवा क्येनी खाड्बा शिड क्यानी सशी। तमा दाक्पी डतिवी दाक्पुला ताम्डे जोप लाम मेड्येशी।

15 च्यिलासिसिन ललाइ ललाइ युक्सिमातिवा याड गोमाला के येशूला तेपा कितुप क्युर ज्याक्नी शैतानकी थाकाला गल वे।

16 यिने तेपा कितुप पुम्पेजातिवी ति ललाइ छेड्गाछाली युक्सिम वोसिन तीला दाल्जा किटे किशी। तुक क्यासिन चर्चला काड साड कले मेख्येल्वी। तमा खोरो मी सु साड मेतुप युक्सिमतिवाला तिराड चर्चकी दाल्जा कि थुप्किवी।

चर्चला गोमा कितुप मीतिवाला टोड्गु

17 चर्चला लहाटे क्यानी गोमा कितुप मीतिवाला तेरीकी दोम्बा ड्यी ताड्देन कि गोकिवी। खक्छयेवुला कोन्छयोक्की सुड ख्याप्टाक कितुप ताड लोपुप मीतिवाला मड ताड्देन की।

18 कोन्छयोक्की सुडला “स्वा डियेलुप लाडगी खला खचिल माग्येक।”* सिनी सुड वे। तमा “लाका कितुप मीला तीकी लाका क्यावु ल थोप गोकिवी।”

* 5:18 ५:१८ व्यवस्था २५:४

सिनी साडः सुडः वे।*

19 मिरा ड्यी सुमकी पड्बु मेसिन चर्चला गोमा कितुप मीतिवी तेन्दोकला क्येन तेस्प मीतिवी ताम्डेला माड्येना।*

20 चर्चला तुका दिक्पा कितुप मीतिवा वोसिन तिवाला मी तेरीकी मिङ्गाला ज्याक्नी तुक कितुप मेवी सिनी लोप। तुक क्यासिन यम्बा तेपा कितुप मीतिवा साडः ज्यिवा किवी।

21 कोन्छयोक ताडः येश् ख्रीष्ट ताडः कोन्छयोककी पेन नङ्गुप देवाच्येनकी मीतिवी थोड्दाडला डः ख्युरूडला क छयेम्बु तेरिन। ख्ये मापेवा क्यानी ख्युरूड डेः सिक्यावु ठिमला वोतुप दोके क्यानी किसा।

22 सुला साडः रिवा क्यानी गोला लाक्पा ज्याक्नी चर्चला गोमा कितुप लाका कि माज्यी। ख्युरूडः दिक्पा कितुप मीतिवी दला माशुक, यिने टेड्बु क्यानी मिजी क्योड।

23 गोमाला दोके छ्यु तिराडः थुङ्गुप मिन, यिने ख्योरो खोक्पी थोक्ला ताडः येलुडः येलुडः मानाशी सिनी गुन्दुम छ्याडः साडः चे चेयी थुडः।

24 ललाइ ललाइ मीतिवी दिक्पातिवा ठछ्येली थोङ्गिगी, तमा ठिमला डोप गोमाला के हाक्कोकिवी। यिने ललाइकी दिक्पातिवा ति ज्युक्ला तिराडः थोङ्गिगी।

25 तुक राडः क्यानी मीतिवी क्यावु लाका ल्यामुतिवा साडः ठछ्येली थोङ्गिगी। ललाइकी क्यावु ठछ्येली मेतुप लाका साडः छ्याकला लु मुथुपी, ड्यिमज्यिक ठछ्येली थोङ्गिगी।

6

योक्पुतिवी कोर्ला टोङ्गु

1 तेपा कितुप योक्पुला देतुपतिवा तेरीकी दाक दाक्पी ज्यिन्दाकला ताड्देन की। तुक क्यासिन सी साडः कोन्छयोककी मिडः ताडः दाक्पी बिन्दुप येन्देनला मारे मोतोङ्गिगी।

2 ख्यिराडः तेपा कितुप योक्पुतिवा ज्यिन्दाककी वोक्ला लाका कितुप पेला तिवा दाक्पी तेपा कितुप अच्युनुप राडः यिन सिनी ताड्देन कितुप ताडः तिवाला मडः ल्यामु क्यानी शब्ज्यी की। च्यिलासिसिन ख्यिरा लाका ल्यामु क्यासिमा ज्यिन्दाकला

* 5:18 ५:१८ गन्ती १८:३१; मन्ती १०:१०

* 5:19 ५:१९ व्यवस्था १९:१५

ख्येप्साड बुङ्गिगी। ती ज्यिन्दाक ति तेपा कितुप ख्यिरा ड्यिङ्ज्येवु अच्युनुपतिवा यिन। दी ताम्डे ति ख्यिराड ल्यामु क्यानी येन्देन तेरुप ताड ख्याप्टाक की।

येन्देन मेटेड्बु ताड टङ्गा डेवाला चा कितुप कोर्ला

3 दोजो मी ललाइकी येन्देन मेटेड्बुतिवा लोप्किवी, यिने दाक्पी चोवो येशू ख्रीष्टकी खक्छयेवु सुड ताड दाक्पी मोवा कि गोवु येन्देनकी मुला मिडिकिबी सिसिन,

4 तुका मी ति डः राड यिन सिनी सिवी, तीकी काड साड येन्देन शेवु मेवी। तमा तीकी तेन्दोक मेतुप ताम्डेला केवुल कितुप तिराड क्यानी ताम्डे छिक रे रेला थमु ग्यकुप छोल्लिगी। तीकी जोसालेन्सिन ठतोक कितुप ताड खाँदा शोस्प ताड मारे तोङ्गुप ताड नाम्दोक मेलोवातिवा बुङ्गिगी।

5 तमा तुका मी तीकी सेम ना गलुप ताड टेड्बुला क्युनी ज्यकुप मीतिवी मुला खाँदा क्या क्यावा किवी। तमा तिवी कोन्छयोक्ला मोवा कितुप ति ख्येप्साड बुङ्गुप यिन सिनी नोकिवी।

6 यिन्सिनाड सेमला लो दिवु क्यानी कोन्छयोक्ला मोवा कितुप ति ख्येप्साड यिन।

7 च्यिलासिसिन दाक्पु क्येप पेला दी जम्बुलिडला काड साड खुनी वावु मिन, याङ्ना काड साड खुनी डो साड मुथुपी।

8 तुक क्यानी साप कोन्दुप चोयी लड्सिन दाक्पु तीला राड लो दिवा कि गोकिवी।

9 यिने छ्युक्पु डोप नो कितुपतिवा शैतानकी जिनोकला ख्येलनी तोर्वाला ख्येलुप दोके डिवी। तमा तिवा अम्बारडिशड कितुप ताड मीला ना तोङ्गुप नासाम तिराड तङ्नी खोरो राड खुरुडला मेटाला जोनी ना डिवी।

10 च्यिलासिसिन टङ्गा डेवाला चा कितुप नासाम नेसुर राड तेरी परकी दिक्पातिवा गिवी। टङ्गी देर्पाला ख्येलनी ललाइ मीतिवा तेपा कितुप क्युनी ज्योकिवी, तमा तिवी सेमला छासे पप लङ्गिगी।

पावलकी बिन्दुप तिङ्मी टोङ्गु

11 यिने ख्युरुड ति कोन्छयोक्की गिपा यिन्दुप तप्की तुका ताम्डे मेलोवातिवा नासाम माताङ्नी टेड्बु ताड मोवा ताड तेपा ताड ड्यिङ्ज्ये ताड हम क्यानी देतुप ताड कुसु ज्यम्बु कितुप छोल।

12 तमा चिर्मु चेषला छयोड्बाल ग्यकुप मी दोके तेपा रम्बु क्यानी नाम्साड मिशिवु मिजी ड्ये थुपा की। तीकी थोक्ला राड कोन्छयोक्की ख्युरूडला पेन नड्गुप यिन। तीकी कोर्ला ख्योरो मी बडीकी मिङ्गाला पड्बु साड बिन्दुप यिन।

13 मी तेरीला मिजी नड्गुप कोन्छयोक् ताड पन्तियस पिलातसकी दोड्ला पड्बु टेड्बु नड्गुप येशू ख्रीष्टकी थोड्दाडला

14 ड ख्युरूडला क तेरिन। दाक्पी चोवो येशू ख्रीष्ट माफेवा सेक ख्युरूड ल्यामु क्यानी खोकी सुडला वोतुप क दोके मिजी क्योड। तमा सी साड ख्युरूडला मेटेड्बु ताड क्येन तेर मुथुपी।

15 कोन्छयोक्की तुजे छेसिमा चोवो येशू ख्रीष्ट ति येलुड फेफ्किवी। कोन्छयोक् ति च्यिक राड वोतुप ताड ग्येल्वी खकी ग्येल्बु ताड चोवी खकी चोवो यिन। खोला दाक्पी सोवा बुल्गिवी।

16 खो तिराड नरीकी नरी लुवु वे। खो ति वोसिरला ज्युकिवी, तमा ती वोसिरकी चिप्ला सु साड डो मुथुपी। खोला सी साड नाम्साड माथोड वे, याड्ना थोड साड मुथुपी। खोला राड ताड्देन ताड ओड्ज्येन ति नरीकी नरी वुड्शी। आमिन।

17 दी जम्बुलिडकी मी छ्युक्पुतिवाला दुक सिनी क बिन, “अम्बारडिशड माकी, चेयी पर सेक तिराड लुवु टोड्बाला मिन, यिने दाक्पुला गोवु तेरी च्यालकतिवा लोदिमुकी थोक्ला ग्यक्चे क्यानी नड्गुप कोन्छयोक्ला तिराड रेवा की।”

18 तमा तिवाला “मी यम्बाला ल्यामु कितुप ताड लाका ल्यामु कितुप सेम वोतुप ताड सेम बोल्मु वोतुप ताड रड्गी लोला वोतुप टोड्बातिवा कतुकारला ख्येलुपतिवाला तेस्प सेम वोतुप च्युड गोकिवी।” सिनी क बिन।

19 तुक क्यानी तिवा डम्ज्यी रम्बु तिङ्गुप दोके खोपे थोक्ला ज्युक्थमी नासाम तड्नी मिजी टेड्बु क्योड थुप्शी।

20 आड तिमोथी, कोन्छयोक्की ख्युरूडला काड लाका चेक तेन नड वे, ती ति ल्यामो क्यानी र्होक्नी ज्योक। तेन्दोक मेतुप ताम्डेतिवा क्युनी ज्योक। तिवी रिक्पा वोतुप यिन सिवी, यिने ती वुतुड्की रिक्पा मेतुप मीतिवी ताम्डे नेसुर कुतुक दे।

21 ती रिक्पा मेतुप ताम्डेकी जोसालेन्सिन ललाइ मीतिवा तेपा कितुप साड क्युनी गल वे। कोन्छयोक्की कटिन ति नरी ख्योरो मुला लुशिता।

कोन्छ्योककी सुड

Sherpa: कोन्छ्योककी सुड New Testament

copyright © 2014 Wycliffe Bible Translators, Inc.

Language: (Sherpa)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 18 Apr 2025 from source files
dated 29 Jan 2022

b834b297-b0c6-512e-bce6-f4d9b41b94be